

# 顏魯公全集

黃本  
蔣驥  
編校

上海  
仿古書店發行

# 顏魯公全集

寧鄉黃本驥仲良編訂  
湘陰蔣環維揚參校

## 外集一

### 舊唐書列傳

顏真卿字清臣琅琊臨沂人也五代祖之推此齊黃門侍郎真卿少勤學業有詞藻尤工書開元中舉進士登甲科事親以孝聞四命爲監察御史充河西隴右軍試覆屯交兵使五原有冤獄久不決真卿至立辨之天方旱獄決乃而郡人呼之爲御史雨又充河東朔方試覆屯交兵使有鄭延祚者母卒二十九年殯僧舍垣地真卿劾奏之兄弟三十年不齒天下聳動遷殿中侍御史東都畿採訪判官轉侍御史武部員外郎楊國忠怒其不附己出爲平原大守安祿山逆節頗著真卿以霖雨爲託修城浚池陰料丁壯儲廩實乃陽言文士泛舟外池飲酒賦詩或譏於祿山祿山亦密偵之以爲書生不足虞也無幾祿山果反河朔盡陷獨平原城守具備乃使司兵參軍李平馳奏之元宗初聞祿山之變歎曰河北二十四郡豈無一忠臣乎得平來大喜顧左右曰朕不識顏真卿形狀何如所爲得如此祿山初尙移牒真卿令以平原博平軍屯七千人防河津以博平太守張獻直爲副真卿乃募勇士旬日得萬人書錄事參軍李擇交統之簡閱以刁萬歲和琳徐皓馬相如高抗朗等爲將祿山旣陷洛陽殺留守李愷御史中丞盧奕判官蔣清以三首遣段干光來徇河北真卿恐搖人心乃詐謂諸將曰我識此三人首皆非也遂腰斬干光密藏三首異日乃取三首冠飾草續支體棺斂祭殯爲位慟哭人心益附祿山逼其將李欽湊高邈何千年等守土門真卿從父兄常山太守杲卿與長史袁履謙謀殺湊邈擒千年送京師土門旣開

十七郡同日歸順共推眞卿爲帥得兵二十餘萬橫絕燕趙詔加眞卿戶部侍郎依前平原太守清河客李萼年二十餘與郡人來乞師謂眞卿曰聞公義烈首唱大順河朔諸郡恃公爲長城今清河實公之西鄰也僕幸寓家得其虛實可知爲長者用今計其蓄積足以三平原之富士卒可以二平原之強公因而撫之腹心輔車之郡其他小城運之如臂使指耳唯公所意誰敢不從眞卿借兵千人萼將去眞卿謂之曰兵出也吾子何以教我萼曰今聞朝廷使程千里統衆十萬自太行東下將出嚀口爲賊所扼兵不得前今若先伐魏郡斬袁知泰太守司馬垂使爲西南主分兵開嚀口之路出千里之兵使討鄴幽陵平原清河合同志十萬之衆徇洛陽分兵而制其衝計王師亦不下十萬公當堅壁毋與挑戰不數十日賊必潰而相圖矣眞卿然之乃移牒清河等郡遣其大將李擇交副將平原縣令范東瓚裨將和琳徐浩等進兵與清河四千人合勢而博平以千人塞三郡之師屯於博平去堂邑縣西南十里袁知泰遣其將白嗣深乙舒蒙等以二萬人來拒戰賊大敗斬首萬餘級肅宗幸靈武授工部尚書兼御史大夫河北採訪招討使祿山乘虛遣史思明尹子奇急攻河北諸郡饒陽河間景城樂安相次陷沒獨平原博平清河三郡城守然人心危盪不可復振至德元載十月棄郡渡河歷江淮荆襄二載四月朝於鳳翔授憲部尚書尋加御史大夫中書舍人兼吏部侍郎崔漪帶酒容入朝諫議大夫李何忌在班不肅眞卿劾之貶漪爲右庶子何忌西平郡司馬元帥廣平王領朔方蕃漢兵號二十萬來收長安出辭之日百僚致謁於朝堂咸拜王荅拜辭亦如之王當闕不乘馬步出木馬門而後乘管崇嗣爲王都虞候先王上馬眞卿進狀彈之肅宗曰朕兒子每出諄諄教誡之故不敢失禮崇嗣老將右足疾姑欲優容之卿勿復言乃以奏狀還眞卿雖天子蒙塵典法不廢洎鑾輿將復宮闕遣左司郎中李巽先行陳告宗廟之禮有司署祝文稱嗣皇帝眞卿謂禮儀使崔器曰上皇在蜀可乎器遽奏改之中旨宣勞以爲名儒深達禮體時太廟爲賊所毀眞卿奏曰春秋時新宮災魯成公三日庚申太廟既爲盜毀請築壇於野皇帝東向哭然後遣使竟不能從事之無不言爲宰相所

出爲同州刺史轉蒲州刺史爲御史唐明所搆貶饒州刺史旋拜昇州刺史浙江西道節度使徵爲刑部尚書季輔國矯詔遷元宗居西宮眞卿乃首率百僚上表請問起居輔國惡之奏貶蓬州長史代宗嗣位拜利州刺史遷戶部侍郎除荆南節度使未行而罷除尚書左丞車駕自陝將還眞卿請皇帝先謁五陵九廟而從還宮宰相元載謂眞卿曰公所見雖美其如不合事宜何眞卿怒前曰用捨在相公耳言者何罪然朝廷之事豈堪相公再破除邪載深銜之旋改檢校刑部尚書知省事累進封魯郡公時元載引用私黨懼朝臣論奏其短乃請百官凡欲論事皆先白長官長官白宰相然後上聞眞卿上疏曰（文入公集不重錄）其激切如此於是中人爭寫內本布於外後攝祭太廟以祭器不修言於朝載坐以誹謗貶硤州別駕撫州湖州刺史元載伏誅拜刑部尚書代宗崩爲禮儀使又以高祖已下七聖諡號繁多乃上議請取初諡爲定袁儉以詔言排之遂罷楊炎爲相惡之改太子少傅禮儀使如舊外示崇寵實去其權他盧杞專權忌之改太子太師罷禮儀使論於眞卿曰方面之任何處爲便眞卿候杞於中書曰眞卿以褊性爲小人所憎竄逐非一今已羸老幸相公庇之相公先中丞傳首至平原面上血眞卿不敢以衣拭以舌舐之相公忍不相容乎杞瞿然下拜而含怒心會李希烈陷汝州杞乃奏曰顏眞卿四方所信使論之可不勞師旅上從之朝廷失色李勉聞之以爲失一元老貽朝廷羞乃密表請留又遣逆於路不及初見希烈欲宣詔旨希烈養子千餘人露刃爭前迫眞卿將食其肉諸將叢遶慢罵舉刃以擬之眞卿不動希烈遽以身蔽之而麾其衆衆退乃揖眞卿就館舍因逼爲章表令雪己願罷兵馬累遣眞卿兄子峴與從吏凡數輩繼來京師上皆不報每與諸子書令嚴奉家廟恤孤而已希烈大宴逆黨召眞卿坐使觀倡優斥黷朝政爲戲眞卿怒曰相公人臣也奈何使此曹如是乎拂衣而起希烈慙亦呵止時朱滔王武俊田悅李納使在坐目眞卿謂希烈曰聞太師名德久矣相公欲建大號而太師至非天命正位欲求宰相孰先太師乎眞卿正色叱之曰是何宰相邪君等聞顏杲卿無是吾兄也祿山反首舉義兵及被害詬罵不絕於口吾今年向八十官至太師

守吾兄之節死而後已豈受汝輩誘脇邪諸賊不敢復出口希烈乃拘真卿令甲士十人守掘方丈坎於庭曰阮顏真卿怡然不介意後張伯儀敗績於安州希烈令齎伯儀旌節首級誇示真卿真卿慟哭投地後其大將周會等謀襲汝州因廻兵殺希烈奉真卿爲節度事洩希烈殺會等遂送真卿於龍興寺真卿度必死乃作遺表自爲墓誌祭文常詣寢室西壁下云吾殯所也希烈既陷汴州僭爲號使人問儀於真卿真卿曰老夫耄矣會掌國禮所記者諸侯朝覲禮耳興元元年王師復振逆賊慮變起蔡州乃遣其將辛景臻安華至真卿所橫柴庭中沃之以油且傳詞曰不能屈節當自燒真卿乃投身赴火景臻等遽止之復告希烈德宗復宮闕希烈弟希倩在朱泚黨中例伏誅希烈聞之怒興元元年八月三日乃使閹奴與景臻等殺真卿先曰有敕真卿拜奴曰宜賜卿死真卿曰老臣無狀罪當死然不知使人何日從長安來奴曰從大梁來真卿罵曰乃逆賊耳何敕邪遂縊殺之年七十七及淮泗平貞元元年陳仙奇使護送真卿喪歸京師德宗痛悼異常廢朝五日諡曰文忠贈司徒賜布帛五百端男顏碩等超授官職貞元六年十一月南郊赦書節文授真卿一子五臣正員官故顏得錄用文宗時以真卿曾孫宏式爲同州參軍

### 新唐書列傳

顏真卿字清臣秘書監師古五世從孫少孤母殷躬加訓導既長博學工詞章事親孝開元中舉進士又擢制科調醴泉尉再遷監察御史使河隴時五原有冤獄久不決天且旱真卿辨獄而雨郡人呼御史雨復使河東勅秦朔方令鄭延祚母死不葬三十年有詔終身不齒聞者聳然遷殿中侍御史時御史吉溫以私怨搆中丞宋渾謫賀州真卿曰奈何以一時忿欲危宋璟後乎宰相楊國忠惡之諷中丞蔣洙奏爲東都採訪判官再轉武部員外郎國忠終欲去之乃出爲平原太守安祿山逆狀牙孽真卿度必反陽託霖雨增陴濬隍料才壯儲廩日

並賓客泛舟飲酒以紓祿山之疑果以爲書生不慮也祿山反河朔盡陷獨平原城守具備徒司兵參軍李平馳奏元宗始聞亂歎曰河北二十四郡無一忠臣邪及平至帝大喜謂左右曰朕不識眞卿何如人所以乃若此時平原有靜塞兵三千乃益募上得萬人遣錄事參軍李擇交統之以刁萬歲和琳徐皓馬相如高抗朗等爲將分總部伍大饗士城西門慷慨泣下衆感動饒陽太守盧全誠濟南太守李隨清河長史王懷忠景城司馬李暉鄴郡太守王燾各以衆歸有詔北海太守賀蘭進明率精銳五千濟河爲助賊破東都遣段子光傳李愷盧奕蔣清首徇河北眞卿畏衆懼給諸將曰吾素識愷等其首皆非是乃斬子光藏三首他日結芻纒體斂而祭爲位哭之是時從父兄果卿爲常山太守斬賊將李欽湊等清土門十七郡同日自歸推眞卿爲盟主兵二十萬絕燕趙詔卽拜戶部侍郎佐李光弼討賊眞卿以李暉自副而用李銑賈載沈震爲判官俄加河北招討採訪使清河太守使郡人李粦來乞師粦曰聞公首奮裾唱大順河朔恃公爲金城清河西鄰也有江淮租布備北軍號天下北庫計其積足以三平原之有士卒可以二平原之衆公因而撫有以爲腹心他城運之如臂使指耳眞卿爲出兵六千謂曰吾兵已出子將何以教我粦曰朝廷使程千里統衆十萬自太行而東將出嶺口限賊不得前公若先伐魏郡斬賊守袁知泰以勁兵披嶺口出官師使討鄴幽陵平原清河合十萬衆徇洛陽分犀銳制其衝公堅壁勿與戰不數十日賊必潰相圖死眞卿然之乃與清河等郡遣大將李擇交副將范冬馥和琳徐皓與清河博平士五千屯堂邑袁知泰遣將白嗣深乙舒蒙等兵二萬拒戰賊敗斬首萬級知泰走汲郡史思明圍饒陽遣游奕兵絕平原救軍眞卿懼不敵以書招賀蘭進明以河北招討使讓之進明敗於信都會平盧將劉正臣以漁陽歸眞卿欲堅其意遣賈載越海遺軍資十餘萬以子頗爲質頗甫十歲軍中固請留之不從肅宗已卽位靈武眞卿數遣使以蠟丸裏書陳事拜工部尚書兼御史大夫復爲河北招討使時軍費困竭李粦勸眞卿收景城鹽使諸郡相輸用度遂不乏第五琦方參進明軍後得其法以行軍用饒雄祿山乘虛遣思明尹子奇急攻河北諸郡復陷

獨平原博平清河固守然人心危不復振眞卿謀於衆曰賊銳甚不可抗若委命辱國非計也不如徑赴行在朝廷若誅敗軍罪吾死不恨至德元載十月棄郡渡河間關至鳳翔謁帝詔授憲部尚書遷御史大夫方朝廷草昧不暇給而眞卿繩治如平日武部侍郎崔漪諫議大夫李何忌皆被劾斥降廣平王總兵二十萬平長安辭日當闕不敢乘趨出樞極乃乘王府都虞侯管崇嗣先王而騎眞卿劾之帝還奏慰答曰朕子每出諄諄敬戒故不敢失崇嗣老而覽卿姑容之百官肅然兩京復帝遣左司郎中李異告宗廟祝署嗣皇帝眞卿謂禮儀使崔器曰上皇在蜀可乎器遽奏改之帝以爲達識又建言春秋新宮災魯成公三日哭今太廟爲賊毀請築壇於野皇帝東向哭然後遣使不從宰相厭其言出爲馮翊太守轉蒲州刺史封丹陽縣子爲御史唐明誣劾貶饒州刺史乾元二年拜浙西節度使劉展將反眞卿預飭戰備都統李峘以爲生事非短眞卿因召爲刑部侍郎展卒舉兵度淮而峘奔江西李輔國遷上皇西宮眞卿率百官問起居輔國惡之貶達州長史代宗立起爲利州刺史不拜再遷吏部侍郎除荆南節度使未行改尚書右丞帝自陝還眞卿先請謁陵廟而卽宮宰相元載以爲迂眞卿怒曰用捨在公言者何罪然朝廷事豈堪再破壞邪載銜之俄以檢校刑部尚書爲朔方行營宣慰使未行留知省事更封魯郡公時載多引私黨畏羣臣論奏乃給帝曰羣臣奏事多挾讒毀請每論事皆先白長官長官以白宰相宰相詳可否以聞眞卿上疏曰（文見集中）於是中人等騰布中外後攝事太廟言祭器不飭載以誹謗貶峽州別駕改吉州司馬遷撫湖二州刺史載誅揚綰薦之擢刑部尚書進吏部帝崩以爲禮儀使因奏列聖諡繁請從初議爲定袁慘區排之罷不報時喪亂後典法湮放眞卿雖博識今古屢建議釐正爲權臣沮抑多中格云楊炎當國以直不容換太子少師然猶領使及盧杞益不喜改太子太師并使罷之數遣人問方鎮所便將出之眞卿往見杞辭曰先中丞傳首平原面流血吾不敢以衣拭親舌舐之公忍不見容乎杞矍然下拜而銜恨切骨李希烈召女州杞乃建遣眞卿四方所信若往論之可不勞師而定詔可公卿皆失色李勉以爲失一元老貽朝廷羞密



表固留至河南河南尹鄭叔則以希烈反狀明勸不行荅曰君命可避乎既見希烈宣詔旨希烈養子千餘拔刃爭進諸將皆慢罵將食之眞卿色不變希烈以身扞磨其衆退乃就館逼使上疏雪已眞卿不從乃詐遣眞卿兄子峴與從吏數輩繼請德宗不報眞卿每與諸子書但戒嚴奉家廟恤諸孤訖無他語希烈遣李元平說之眞卿叱曰爾受國委任不能致命顧吾無兵戮汝尙說我邪希烈大會其黨召眞卿使倡優斥侮朝廷眞卿怒曰公人臣奈何如是拂衣去希烈大歎時朱滔王武俊田悅李納使者皆在坐謂希烈曰聞太師名德久矣公欲建大號而太師至求宰相孰先太師者眞卿叱曰若等聞顏常山否吾兄也祿山反首舉義師後雖被執詬賊不絕於口吾年且八十官太師吾守吾節死而後已豈受若等脇邪諸賊失色希烈乃拘眞卿守以甲士掘方丈坎於庭傳將阮之眞卿見希烈曰死生分矣何多爲伯儀敗希烈令齎旌節首級示眞卿眞卿痛哭投地會其黨周會康秀林等謀襲希烈奉眞卿爲帥事洩會死乃拘送眞卿蔡州眞卿度必死乃作遺表墓誌祭文指寢室西壁下曰此吾殯所也希烈僭稱帝始問儀式對曰老夫耄矣曾掌國禮所記諸侯朝覲耳興元後王師復振賊慮變遣將辛景臻安華至其所積薪於庭曰不能屈節當焚死眞卿起赴火景臻等遽止之希烈弟希倩坐朱泚誅希烈因發怒使閹奴等害眞卿曰有詔眞卿再拜奴曰宜賜卿死曰老臣無狀罪當死然使人何日長安來奴曰從大梁來罵曰乃逆賊耳何詔云遂綏殺之年七十六嗣曹王臯聞之泣下三軍皆慟因表其大節淮蔡平子顏頤護喪還帝廢朝五日贈司徒諡文贈賻布帛米粟加等眞卿立朝正色剛而有禮非公言直道不萌於心天下不以姓名稱而獨曰魯公如李正己田神功董泰侯希逸王元志等皆眞卿始招起之後皆有功善正草書筆力澗婉世寶傳之貞元六年赦書授顏五品正員官開成初又以曾孫宏式爲同州參軍

## 全唐詩小傳



顏真卿字清臣京兆長安人博學工詞章事親孝開元中舉進士又擢制科調醴泉尉累遷殿中侍御史忤宰相楊國忠出爲平原太守安祿山反河朔盡陷獨平原城守具備使司兵參軍李平馳奏明皇大喜卽拜戶部侍郎肅宗卽位靈武真卿數遣使以蠟丸裏書陳事拜工部尚書兼御史大夫爲河北招討採訪處置使至德二年朝於鳳翔授憲部尚書遷御史大夫軍國之事知無不言爲宰相所忌出爲馮翊太守改蒲州刺史御史唐明誣劾貶饒州刺史旋拜浙西節度史召爲刑部侍郎李輔國銜之貶蓬州長史代宗立起爲戶部侍郎除荆南節度使未行改尚書右丞尋除檢校刑部尚書迨盧杞當國益惡之改太子太師李希烈陷汝州杞遣真卿往諭勸希烈不屈而死贈司徒諡文忠真卿立朝正色剛而有禮非公言直道不萌於心天下不以姓名稱而獨曰魯公善正草書筆力遒婉世寶傳之詩一卷

### 全唐文小傳

顏真卿字清臣瑯琊臨沂人開元中舉進士又擢制科累官武部員外郎出爲平原太守安祿山反河朔盡陷獨平原城守具備加戶部侍郎肅宗幸靈武授工部尚書兼御史大夫河北採訪招討使代宗朝封魯郡公爲刑部尚書加改太子太師盧杞惡之奏使諭李希烈希烈脇之不屈遂縊殺之年七十七贈司徒諡曰文忠

### 湖州府志名宦傳

顏真卿字清臣臨沂人開元進士歷殿中侍御史守平原討賊有功肅宗卽位拜工部尚書兼御史大夫封魯國公爲李輔國元載等所忌數遭貶黜出入中外大歷八年爲湖州刺史辟李萼爲防禦副使權器楊昱爲判官德政洽於千里公暇招致名儒七十餘人考集羣書成韻海鏡源三百六十卷又著吳興地記十卷凡山川陵

墓古蹟皆入記刻之石柱因名石柱記十二年元載誅以楊綰薦擢刑部尚書去郡建中初楊炎當國以直不容  
盧杞益不喜辛希烈陷汝州乃奏遣真卿往諭之既見希烈脇之再三真卿不屈節遇害淮蔡平子顏頊護喪還  
帝廢朝五日贈司徒諡文忠

案魯公在湖州所著有吳興集十卷見行狀墓誌及唐書藝文志其石柱記僅記山川古蹟名目無十卷府志  
誤

### 舊唐書段顏合傳贊

每思先軫免胄子路結纓雖云其忠未聞於道如成公（謂段秀實）孝於家能於軍忠於國是武之英也  
苟無楊炎弄權若任之爲將遂展其才豈有朱泚之禍焉如清臣富於學守其正全其節是文之傑也苟無盧杞  
惡直若任之爲相遂行其道豈有希烈之叛焉夫國得賢則安失賢則危德宗內信姦邪外斥良善幾致危亡宜  
哉噫以仁爲己任不亦重乎死而後已不亦遠乎二君守道沒身爲時垂訓希代之士也光文武之道焉贊曰自  
古皆死得正爲順二公云亡萬代垂訓

### 新唐書段顏合傳贊

唐人柳宗元稱世言段太尉大抵以爲武人一時奮不慮死以取名非也太尉爲人姁姁常低首拱手行步  
言氣卑弱未嘗以色待物人視之儒者也遇不可必達其志決非偶然者宗元不妄許人諒其然邪非孔子所謂  
仁者必有勇乎當祿山反嗥噬無前魯公獨以烏合嬰其鋒功雖不成其志有足稱者晚節偃蹇爲姦臣所擠見  
殞賊手毅然之氣折而不沮可謂忘矣詳觀二子行事當時亦不能盡信於君及臨大節蹈之無貳色何邪彼忠

臣誼士寧以未見信望於人，要反詰已得其正而後懔於中而行之也。嗚呼！雖千五百歲，其英烈言言如嚴霜烈日，可畏而仰哉！

案新舊唐書以段、顏合傳，故論贊皆合言之。今止錄顏傳而贊論不可分錄，故不系於傳後而別錄於此。

### 宏簡錄二顏張許合傳贊

唐已亡，葉烈士未聞時，未可誣史。忍闕文堂堂魯公一代幾人聯輝並耀（謂杲卿）方稱同仁，天以完節，克付遠巡。

## 外集二

### 顏魯公行狀

(陳郡)殷亮

公姓顏名真卿字清臣小名陵門子別號應方京兆長安人也顏氏乃春秋小邾子之苗裔昔帝軒轅生昌意昌意生顓帝顓帝生老童老童生吳回吳回生陸終陸終生六子一曰昆吾其國衛也二曰參胡其國韓也三曰彭祖其國徐也四曰會人其國鄭也五曰曹姓其國邾也六曰季連其國楚也曹姓國於邾春秋邾武公爲魯之附庸國武公名儀甫字顏公故公羊傳云顏公有功於齊齊威公命爲小邾子子孫以王父字爲姓氏以其附庸以魯故代代事魯爲卿大夫故先賢傳孔子弟子選者七十二人顏氏有其八則顏氏之信學可知也若顏無繇字路顏回字子淵顏辛字子柳顏高字子驕顏祖字襄顏嚮字子聲顏之僕字叔并顏何字冉是也至公之十六代祖魏青徐二州刺史諱威自魯國居瑯琊葬臨沂縣西七里十二代祖晉侍中諱舍自瑯琊居丹陽五代祖北齊黃門侍郎諱之推自丹陽居京兆長安高祖泰王府記室參軍諱思魯曾祖蔣壬文學著作郎諱勤儋祖曹王侔字昭甫父薛王友贈太子少保諱惟貞卽祕書監師古之曾姪孫也公以家本清貧少好儒學恭孝自立貧乏紙筆以授土坊州學書字攻楷書絕妙詞翰超俗(案以黃土字據家所碑乃公父惟貞事公幼孤隨母居於外祖殷子敬吳縣令署不應乏紙筆之具)年弱冠開元二十二年進士及第登甲科二十四年吏部擢引入爲中書授朝散郎祕書省著作局校書郎天寶元年秋扶風郡太守崔瑒舉博學文詞秀逸元宗御勤政樓策試上第以其年授京兆府醴泉縣尉黜陟使戶部侍郎王琬以清白名聞授通直郎長安尉六載遷監察御史制云文學折於至平器彰於適用宜先汗簡之職俾佇埋輪之效尋充河東朔方軍試覆屯交兵使凡閱舉

紇士伍舒慘之情事理無不必當七載又充河西鹽右軍試覆屯交兵使五原郡有冤獄不決公理之時方久旱而甘澤立庶郡人呼爲御史雨八載又充河東朔方軍試覆屯交兵使有滎陽鄭氏兄弟三人或居令長或尉京畿爲任往年母亡殯於太原佛寺空園之內經二十九載未葬公乃劾奏之敕三人放歸田里終身勿齒左金吾將軍李延業素承恩渥曾召蕃客內宴引駕仗不報臺公責之延業憑恃權勢於朝堂喧憤公奏之出爲濟南太守朝廷懼焉不敢不肅八月遷殿中侍御使時中丞宋渾以私怨爲御史吉溫崔珪所誣告謫賀州公謂珪溫曰奈何以一時之忿而欲危宋渾乎由是與二人不平宰相楊國忠初黨於溫亦怒公之不附已令吉溫譖中丞薛列奏公爲東京畿採訪判官九載十二月轉侍御史百餘日轉武部員外郎判南曹提綱目鋤苛細武調者多感而懷之十二載國忠以前事銜之謬稱精擇乃遂出公爲平原太守其實去之也公至郡訪孝義名節之士皆旆其門閭或錫其戶役安陵處士張鎬多才博識隱居公詣其居與之抗禮因廉使巡察乃薦焉其後鎬官至中書侍郎同平章事安祿山鎮幽州十餘載末年反跡頗著人不敢言公亦陰備之因歲終式修城乃浚濠增堵壞環垣立植木內爲禦敵之計外託勝遊之資及兵興果賴其固而城得全十四載祿山禍謀將發公遣子至范陽啓祿山以今年冬合當入計祿山猜之不許公旣不得離郡乃遣親客前漢中長史蹇昂奏其狀狀留禁中不報十一月祿山反於范陽衆號十五萬長驅自趙定而南趨洛陽散榜諸郡莫敢枝梧祿山乃牒公令以平原博平兵七千人防河以博平太守張獻直爲副公是時使平原兵參軍李平乘駟奏之平至東京見封常清云吾得上旨凡四方奏事者使開函而再封之平聽焉常清遂倚帳操筆寄書於公論國家之事詞意甚切並附募捕逆賊牌數十封至平原令堅相待公從之使親表及門客密送於諸郡因此多有而常清乃尋自敗績焉有敕賜死於陝州竟不接聲平之未至京師也元宗歎曰河北二十四郡無一人向國乎及聞平至遣中使五六輩迎之兼敕平奔馬直至寢殿門然後令下奏事畢元宗大喜顧謂左右曰顏真卿何如人朕兼未曾識而所爲乃爾祿山之

發范陽也。異平原郡有靜塞屯平盧鎮兵三千五百人，並已發赴鎮。在路未達，公悉追迴，更追諸縣武舉及獵射人，兼召募精勇。旬日至，萬餘人。遣宗子平原郡錄事李擇交統之。驍勇之士，刁萬歲和琳、徐皓、馬相如、高抗、朗、分押營伍，皆千夫之長，樂以義舉，腹心無阻，而爲其將帥焉。聚兵後數十日，公大饗將士於子城西門之外，辦吏四人舉酒，食所約五十萬廩，役之流無不飽飫。公躬自撫巡，舉酒下淚，言國家之恩，戮力死節，無以上報，衆皆激憤。勇思致命焉。時饒陽太守盧全誠與司馬李正舉兵據其城，河間司法參軍李奐殺祿山所置長史王忠於濟南。月餘日，清河義兵復歸本郡。濟南太守李隨下遊奕將訾嗣賢渡河得博平，僞太守馬冀據其郡，各有衆數千。或至萬人，相次於平原，共推公爲盟主。公三辭後聽焉。諸郡詔稟，指揮告敗，尅日數十。至信都郡武邑縣尉李銑來投本縣，令龐宣遠拘留銑母，公以私錢十萬募人劫迎之。故士衆歎感，無不願效者。果遂羣意，兼斬龐宣遠首而攜迴。十二月，祿山陷東京，害留守尚書李愷。御史中丞盧奕判官鞏縣尉蔣清等因使以三人之首來徇河北，且以脇降諸郡。逆使者段子光至，初拽入門，子光大呼曰：「僕射！」十三日入東京，遠近盡降。聞河北諸郡不從，故令我告之。公若損我，悔有日。在遂歷指三首，各言其人，公識其是，恐搖人心，乃謬謂諸將曰：「我審此三人皆非也。」遂命腰斬子光，潛令收藏三首，誌其處。數日稍定，取愷、奕等首，澡潔仍縛蒲爲身，棺斂發哀，致祭城外。殯之，哭三日，舉聲下淚。受文武弔慰，左右無不出泣涕者。自此義合歸者益多矣。斬段子光之日，滄州清河縣兵五千攻常山太原節度使王承業擁兵最近，不時出救。常山遂陷，諸郡頗有貳者。元宗乃以公爲戶部侍郎，依前平原太守，充本郡防禦使，仍與節度使李光弼計會招討。公以景城長史李暉爲副，李銑賈載前侍御史沈震爲判官。是月又詔公爲河北採訪處置使。公又以前咸陽尉王延昌爲判官，張澹爲支使。時清河郡寄客李華（後因獻封事，睿宗有敕改名嶠）爲郡人來乞師於公，曰：「竊聞公高義，首唱河朔歸順之人，皆依倚以爲聲氣。洪瞻人心可用，若不倦於聽，則僕請言之。」公曰：「何如？」華曰：「國家舊制江淮郡租布貯於清河，以備北軍費用，爲日久矣。相傳爲天下北

庫今所貯者有江東布三百餘萬疋河北租調絹七十餘萬當郡綵綾十餘萬累年稅錢三十餘萬倉糧三十萬時計默啜甲仗藏於庫內五十餘萬編戶七十萬見丁十餘萬計其實足以三平原之富料其卒足以二平原之疆若因撫而有之以兩郡爲腹心唇齒其餘乃四支耳安敢有不從者哉彼要僕爲行人以造公之壘僕明見其可同心也取命於昆戢之外惟公圖之公曰所合之衆未會知戰自死且急安有恤鄰之暇哉雖然諾足下之請則可爲乎華對曰清河遣僕致命於公者蓋欲稟義（闕一字）大賢以濟謀非力不足而借公之師以當強寇也瞻仰高意未有決詞定色與濟清河也安敢言爲哉時華纔年二十餘皆沮云必勦衆無成惟公奇之迫於衆情未（闕一字）許耳華乃就館操書以達其意意者略言清河去逆就順以全實之資上公之軍而承公之命時不納而疑之卽僅迴轅之後清河必有所託系與他人與公爲西面之難無什日之期耳公及噬臍乎公覽而驚之遂排羣議獨仗其決借兵六千人兵旣出平原次於竟上華將把公手而歸公曰兵旣行矣可以言吾子之意否華曰近聞朝廷遣程千里統精兵十萬自太行東下擬詣嚙口助河北諸軍討滅叛逆而嚙口爲賊所守千里兵不得東出須先伐魏郡袁知泰（泰祿山所署僞太守）納舊太守司馬垂使爲西南主分開嚙口出千里之軍因今討鄴郡以北直至幽府已來未順城邑平原清河率同盟諸將以十萬人直指河陽分效兵巡河而悉制其奔衝之路計王師東討洛邑必不減二十萬河南諸郡義師西向臨之亦不減十萬公當表請堅壁勿戰不旬月而賊有潰敗相圖之勢矣公然之遂移牒清河等諸郡並遣人將宗子李澤交副將平原令范東馥徧碑和琳徐皓等十餘人促兵清河合勢以便宜從事華復命於清河因兵合之際修永濟渠引水薊州城上大修守戰之具旬日而畢又以清河四千兵與平原連蹤而西時博平亦義兵千人來合於是三郡之師屯於博平郡堂邑暨西南十里袁知泰遣其麾下將白嗣深乙舒蒙等率二萬人來拒戰三郡之兵盡日苦鬪遂大敗之斬首萬餘級生擒一千餘人馬一千匹軍資器械不可勝數其日魏郡城東南面女牆一百五十步無故而崩（去郡邑百



里戰日而崩所以爲異。知秦走投汲郡於是自魏郡以東至堂邑百餘里莫不攜壺漿於道側以候官軍公聲益震境內稍安初平原之師旣西合清河時賊將史思明圍饒陽恐平原救之仍遣遊奕兵來拒前鋒去舊縣十里公懼不敵乃遣驍將刁萬歲以三千兵逆之堅壁不戰又以書過河招北海太守賀蘭進明統馬步兵五千來助公陳兵而迎之相揖哭於馬上悽慟三軍宴犒甚厚進明遂屯平原城南息養士馬公每事咨謀之自是兵威之重稍移於進明矣而公不以爲嫌進明未有所之李擇交兵入清河尋又破於堂邑而因公以有功禮遜於進明加河北招討使擇交東觀徵進官級其清河博平有功不錄一人時論進明必有後敗末期果失律於信都城下有詔抵罪公縱之使赴行在進明以全乃公護之也君子曰竊人之財猶爲之賊况竊人之功乎進明之不死幸也然公亦過於寬厚矣三月河北節度使李光弼以朔方馬軍三千步軍五千初出土門將討定河朔公乃抽兵歸并放博平清河等軍各歸本郡斂戢以待光弼之命俄而光弼拔平山郡（敕改常山爲平山）續有詔遣郭子儀以萬軍助之兩進兵又拔趙郡史思明方守博陵以自固仍將兵來拒於是兩軍與思明三萬人對陣於嘉山大戰思明敗績徒跣入博陵城兩軍斬首萬餘虜獲不可勝計時平山趙郡已拔劉正臣（本名客奴）歸順於平原平盧等十七郡公先據之於是橫截賊路人往來幽府皆以精騎偷路又多被官軍殺之其賊將士父母妻子及曳落河種族並質在范陽絕懷震恐時方盛暑公知光弼子儀禁斷侵掠將士少衣服乃送十五萬帛爲三萬人裝以遣人至饒陽屬潼關不守兩軍却入土門遂留不行然河北諸郡公始復指麾征討之事肅宗之在靈武也公前後遣判官李銑及馬步軍張雲子以蠟爲彈丸以帛書表實於彈丸之內潛至靈武奏事有詔以公爲工部尚書兼御史大夫依前河北招討採訪處置使又於九內奉敕書及卽位改年赦書至平原散下諸郡宣奉焉又令前監察御史鄭昱奉赦書宣布河南江淮所在郡邑風從不疑而王命遂通則公之力也而河北諸郡稟公之命粗爲安肅公以兵興半年軍用已竭思所以贍濟之未得其略先是清河行人李華自堂邑戰勝後

又觀公辭權而不有之遂藏於人間不及見公再三盟約號令諸郡及以文牒求之曰清河郡屬崔審交應賊之後吏不安行人李華乃崇墉浚隍鍛甲矯刃乞師破敵和衆以安人靜言其功須有甄賞仍牒之於路以求焉華於是復詣平原與公相見公因問以足用之計華遂與公數日參議定以錢收景城郡鹽沿河置場令諸郡略定一價節級相輸而軍用遂贍時北海郡錄事參軍第五琦隨刺史賀蘭進明招討於河北觀其事遂竊其法乃奏肅宗於鳳翔至今用之不絕然猶未得公本策之妙旨焉是年秋祿山遣其將史思明尹子奇等並力攻河北諸郡前後百餘日饒陽河開景城樂安相次而陷所存平原博平清河三郡而已然人心潰叛不可復制公乃將麾下騎數百棄平原渡河由淮南山南取路朝肅宗於鳳翔行在初公之將過河也乃謂判官穆寧張澹曰賊勢既爾者妾命待擒必爲其快心辱國之命也今將徑赴行在公以爲何如若朝廷必誅敗軍之罪以勵天下則王綱可振死亦何恨如復從事以責後效則業不朽矣寧澹與諸將皆贊之策馬發至朝廷除公爲憲部尚書初劉客奴以漁陽歸順時史思明與光弼子儀相持於趙定之間客奴遣使越海與公計會公使判官賈載將男頗爲質信泛海以軍糧及戰士衣服遺之時頗始年十歲餘公更無予息三軍懇請留之不從及載等迴公乃與漁陽聲勢相連尋又使人迎其軍比至公已棄平原歸於行在竟不及事然自肅宗已來河南及諸道立功大將如王元忠田神功董秦侯希逸李正己許杲卿等初皆是公自北海迎致之者終無私謁焉至二年正月又除御史大夫未幾因忤聖旨貶馮翊太守乾元元年三月又改蒲州刺史本郡防禦使封丹陽縣開國子食邑一千戶是年爲酷吏唐旻所誣貶饒州刺史二年六月拜昇州刺史充浙江西道節度使兼宋亳都防禦使劉展反狀已露公慮其侵軼江南乃遷將訓卒緝器械爲水陸戰備都統使李恒以公爲太早計因密奏之肅宗詔追未至京拜刑部侍郎及劉展與兵渡淮恒敗續奔江西淮南遂陷於展議者皆多公而怨恒焉上元元年秋時御史中丞敬羽狙詐險慘班列皆避之公會與之語及政事遂遭誣貶蓬州長史公樂道自怡不以介懷寶應元年八月代宗有詔